

沅南三十五垸代表宣言書

3626
220

地. 712.7
582

40

沅南兩縣三十五垸代表李祖道曾廣霖鄭紹康王煥章祝曉峯夏

綬玖陳笙華朱杏蓀等宣言詞

各機關 各黨部 各公法團 各長官 各報館暨濱湖各縣諸父老

兄弟賜鑒竊祖道等爲沅江白水澁河道被曹時雄唐桂榮等賄擁前沅

江縣長李鴻輝於本年二月間挾官威兵力督率土夫佃戶彪手數千人

一鼓釘塞祖道等膽碎魂飛迭赴沅江縣政府呈控殊李縣長堅執中央

政府已經取消之幹堤計劃以白水澁爲衆流入口之處一經釘塞則塞

壩嘴陽羅洲分金河南金湖瓦官河等河道可次第釘盡將沅江廖堡一

二區所有各河附近之餘坡荒業一舉而包圍之可得自來田數萬畝伊

與曹李等實合夥分肥佔有絕大股份者也以大利所在故神志都爲之

沅南三十五垸宣言詞

一

昏膽敢將本河數十年數十政府數十百重祇准疏通不准釘塞之定章

鐵案一手推翻而對於祖道等先後援案狀呈概置弗理祖道等不得已

祇得奔赴省方向省政府建設廳水災善後會各主管上級官廳分途具

訴乃李縣長於祖道等呈控之際一面督促加工一面將彼一方面官民

合作之僞公文僞合約僞歷史僞地圖僞說明書迭次朦呈建廳求予批

准幸廳長神明以係片面之辭并未令准照行祖道等屢見挂發批文求

將原案鈔出彼等詭巧神奇不知用何手段竟能使建設廳收發處不准

發鈔祖道等如坐五里霧中莫明底蘊最後費無限鉤稽探索之力始得

其快郵代電一文查其電文宗旨似以此次阻止釘塞者爲曾繼輝一人

之主張但白水澁一案其首先提出反抗者爲保安新月南附北附新附

五皖全體人民嗣於白水決既釘後復將本河中段之塞漢嘴釘斷近又將下游之分金河釘斷於是與本河有關係各皖被害者益多紛紛起而呈控除保安各皖外復有沅南兩縣之普豐種福寶成積慶利貞厚生等三十餘皖矣祖道查曹唐等不法行爲其毒計詭謀原欲以快郵代電一文掩天下人之耳目蓋以爲一指之蔽可以遮盡泰山也殊不知欲蓋彌彰其鬼蜮情形竭其智以彌縫而真相愈著除曾繼輝以攻擊一人關係單獨具呈外祖道等以彼原有電文分作十條謹逐條駁辯雖不文然已將彼等荒謬詭詞一字駁盡無存在之可能性矣此案經南沅兩縣各代表繼續呈控後已蒙建設廳委員測勘但至今尙未奉我政府有正式創毀之命令立予解決祖道等慄慄危懼竊念我省水患近已年大一年有

沅南三十五皖宣言詞

二

大地陸沉之象固空前未有之大變局也深明水利政策者咸以洞庭一湖遭藕池潰口之害大江挾泥沙灌入湖地盡變爲洲已無容水之處而此間墾民爲省堤貪畝之故將天然固有河道復強釘而橫塞之以致既無容納之區復無消洩之路逼全湖而南徙如常漢益長諸縣均岌岌可危卽如近日以一日夜之雨長沙省會各門都在水中大西門一帶各街道繁盛之區變爲舟楫往來之處其明證也若以祖道等抱杞人之憂以鄭重留河爲多事則我中央政府之提議廢田還湖我省政府之屢次提議多開河道大舉疏湖者更爲多此一舉矣蓋祖道等此等水利之爭爲自家蓄洩運輸關係各皖者猶小關係全省大局者甚大也爲此將此次雙方控訴呈文盡行付印披露伏乞

當道明達諸公洞燭察核此乃全省存亡興廢所關定當予以援助對於此等利慾薰心助長水禍之污吏奸民加以嚴重之公評處以相當之罰則懲一警百以杜將來至此項非法開堤併乞以全省普憤之公心閣請各上級官廳勒令自行創毀蓋此河可塞全洲將起而效尤此間既創諸痞必聞而落胆救一河卽所以救千百河也情急事迫謹披肝瀝胆以陳無任悚禱所有原有呈文附諸左方閣懇

察鑒沅江保安垸代表李祖道曾廣霖陳能定陳能訂劉彩章劉受益曾國謙陳寶源曾曙林成明郝鄒韶美劉菊蓀余服農曾廣治等新化教育局學田首事楊開慶唐吉俊等新月垸代表劉紹基陳笙麓曾泰階曾咸熙等南附垸代表黎吉吾蕭春達等北附垸代表趙啓銘曾廣祥等新附

沅南三十五垸宣言詞

三

垸代表陳次樵曾廣緒等普豐大垸興樂南興樂北興仁兩儀中和大年中庸資成屢豐大有十局代表鄭紹康傅南軒田萬友王煥章祝應先秦樹藩劉禮訓徐樂三皮泰階李秉森曾星海竇柏泉楊文煥彭國權曹竹軒傅桂蓀張菊蓀繆友生郭福秋龔梓卿李隆清游牧生秦士份田耀雲等長樂垸代表何文鈞劉廷瓚等人和垸代表蕭元凱王曉秋等種福垸代表陳笙華張志誠等恒豐垸代表許陳瓚等福田垸代表許玉琤等西成垸代表李侗蘭等寶成保和積慶有成玉成五垸代表夏綬玖蕭宗漢等南縣利貞厚生永康德福合興里仁安仁仁壽福興九垸代表甘子豫朱杏蓀等率全體業戶佃農三十餘萬人仝叩

民國二十一年六月三十日

曾繼輝爲沅江白水澁河道上省政府建設廳民政廳水災善後會

省黨部電文

長沙省政府主席何建設廳長譚民政廳長曹水災善後會省黨部

鈞鑒爲事機危急冒昧瀆陳迫懇電令制止事竊洞庭水患年來愈演愈烈推原禍始由於盡地開墾水無容納之區而實尸此咎者則以各處墾民貪釘頭省費之利將全洲固有河道盡行釘塞有以致之也沅江白水澁河在前清趙岑楊各撫任內屢被強釘迭經各層峯嚴重制止民國初被該處湖民已將進口河流一堤橫斷矣厥後沿河附近垵田以蓄洩運道之俱失受害甚鉅民四經大多數業民以數十萬畝湖田興廢所關提出抗議抵死力爭始得照章創毀此等重重鐵案有繼輝所輯湖田志可

沅江白水澁案控訴呈文

一

憑去歲保安院總首李祖道以各公署遭共匪焚燬之禍恐檔卷無存將此書呈請各機關歸檔備案去冬因籌借賑款有沅江大地主王恢先者充任測勘委員以所佔河畔淤洲面積甚廣倘一得釘頭可省堤費鉅萬而國府委派之汪工程師以情形不熟爲其所朦乃提出聯合數十垵周圍包舉作一幹堤之怪議此中黑幕名則注重堤工實爲釘塞河流計也經瀕湖十縣代表李楚書等將其諱莫如深塞河專利之隱謀毒計一一揭出痛挾無遺嗣蒙中央政府將原議取銷瀕湖人民始見天日乃沅江縣長不知受何項包圍運動徇一方面之請求并未召集各垵總首業民公開談判從長計劃議決施行突於前月二十日一面張貼佈告一面飭槍兵數十名督率土夫農佃數千人晝夜興工將白水澁河口一鼓強釘

逾日卽封塞完好伏查此間惡習當爭佔淤洲時動集數千百人彼此角鬪逞兇此在毫無知識之人往往出此若以本管官廳萬民託命之堂堂大縣長不顧全省定章不問歷年成案不協萬衆輿情竟揮使千百人民壓力橫施悍然不顧是爲空前所未見抑空前所未聞現該處人心惶惶有不可終日之勢深恐激成巨變另生事端心所謂危不敢緘默伏懇電諭沅江縣勒令卽日停工俟雙方當事人到省向各級官廳呈控時靜候依法解決祇遵無任悚禱

前湖南清理湖田局局長曾繼輝叩

民國二十一年三月二

日

保安新月各垸代表李祖道等爲釘塞白水浹河道呈省政府建設

沅江白水浹案控訴呈文

二

廳水災善後會文

呈爲破壞中央政府變更幹堤計劃章程朦請縣政府令飭團防軍隊督帶數千人將白水浹河道擅行釘塞閤懇勒令沅江縣長李立即解散停工以弭巨禍而全水利事竊沅江白水浹河道其歷年經過均見於曾繼輝所輯湖田志一書前清光緒二十七年保安人和各垸首事曾繼輝等呈請前縣胡前委夏求准頒發河道執照此爲白水浹河道所由產生至今存在之第一案也光緒二十九年熙和垸首楊炳麟等爲釘頭省費計擬將該河上下釘塞經保安各垸首事羅允慶等具稟前縣程前委喬前墾務局任前撫部院趙經趙撫移營彈壓制止此白水浹河道祇准疏濬不准阻塞之第二案也光緒三十四年附東裕福兩垸吳鼎勳高昌桂等

又圖釘塞已放出土棚多座徑指白水浹河道身剋日封閉矣經保安垸前總首曾繼輝人和垸首胡子霖普豐垸首陳道績寶成金華萃珍各垸首王錫嘉等具控前縣傳前委王前撫岑蒙岑撫札委知州羅會同各印委勒令該垸首即日停工取具永不釘頭切結此白水浹河道祇准疏濬不准阻塞之第三案也宣統元年湖南諮議局開幕撫部院岑交議疏濬洞庭水道案當日議局以此案事體重大公推湖工代表三人赴鄂省議局會議經兩省議員公決其議案第一款第三條將白水瓦官二河明白揭出與南華各屬之注滋口扁担河麻壕口三仙湖各河道同認為永遠利賴之河此白水浹河道又爲湘鄂兩省議會公同認定祇准疏濬不准阻塞之第四案也宣統二年沅邑墾民復有違禁釘塞之議當經全體議員

沅江白水浹案控訴呈文

三

呈明撫憲楊札行藩憲莊通飭濱湖各縣一體出示禁止此又全省議會長官念念不忘關心防範以爲白水浹河道祇准疏濬不准阻塞之第五案也民國元年沅屬墾民李鴻耀劉漢秋等倡大同十一垸合修之議復從事釘塞經保安垸前首事劉文壽等奔呈省府各機關經前都督譚令行民財兩司將大同名義取消并頒發永禁釘塞河道告示乃李等賄串當日該管印委各員將一切文告命令壓攔不宣以所貸公家鉅款爲伊等塞河經費揮使土夫佃戶數千百人猛力興工不一月間竟將白水瓦官二河於其進口出口處各修一高厚橫堤上下釘斷民等畏當日該縣官威不敢與角祇得向省政府痛哭呼號前後所上呈詞不下數十萬言嗣經省政府委幹員余宜赴該處秘密查勘始得將此項河流官紳合作之詭

謀明白揭出雖經政務會提出創毀之議迄未實行民國二三四五年間河流附近之保安人和長樂種福等垸以河道既失苦無進水之路以致十餘萬畝田禾不能栽插卽插者亦槁斃無餘此數年中損失公私穀碩以數百萬計於是該處各佃戶業民羣起而譁忿憾之極至欲以數十萬血肉之軀與之相搏矣伊等始悟前此釘塞之非計央請西成普豐金華萃珍寶成積慶各垸垸首李鴻儒鄭紹康柳介石劉光華等從中說合求給修磯建閘拆屋遷移諸費甘願將此項閘堤取消各垸忿不給予由保安垸單獨認磯開錢貳千叁百串文又賠償閘上拆屋遷移費錢貳千貳百餘串文又付疏河經費錢柒千捌百餘串文總計保安垸共繳清時制錢壹萬貳千貳百餘串文始得與裕福雙附熙和附東各垸公訂合約將此

沅江白水決案控訴呈文

四

項非法閘堤一律創毀此白水決河道既被完全釘斷又經民等具無限苦心用無窮死力費無數金錢卒得照章創毀之第六案也夫此項河道經第六案之大解決已歷一十六年既旱潦之無虞復運輸之甚便固已彼此相安永無異議矣突十九年四月又有少數人慫恿縣黨部提出建閘塞河之怪議案復由民等奔赴各上級官廳呈訴蒙前建設廳長宋嚴加駁斥將此項非法議案撤消此白水決河道雖近年復生波折然卒未見諸事實之第七案也夫以上重重鐵案由光緒而宣統而民國爲時計三十一年之久歷控前清趙岑楊諸撫暨民國前都督前巡按使前水利局前民政財政實業建設各廳其案情固如此之鉅本省與鄰省諮議局暨益漢岳常議會各議員政見又如此之同以全洲公共利益而保安垸

輸出鉅款萬餘金其負擔又如此之重已由楊炳麟吳鼎勳李鴻耀等屢次強釘而卒經制止卒經解散卒經創毀先後經過事實又如此之多似乎此項河道苟淤洲全局無再滄桑之變當永遠存在縱有大破壞家不能取原案而翻之挾威勢以奪之用奸謀以毀之矣無如本河生命甚苦終無交運脫限之期數年前有熙和上垵業戶曹禮庭者陰蓄塞河詭計假多洩積水爲名於保安熙和對照之間作一攔河石壩高五六尺長百餘丈橫亘白水浹河心阻水去路於是有漸次淤塞之勢矣經各垵提出毀壩疏河之議開會數次以彼等多方牽掣致未果行至去歲全國慘遭水災蒙中央政府頒發大宗貸款於是彼等以爲此千載一時之大機會也緣此間大地主爲王君恢先於本河沿岸兩旁照佔淤地甚廣若以公

沅江白水浹案控訴呈文

五

家鉅款將此項河流上下釘斷則不須堤費伊等可獲田數萬畝其獲利之大無有逾於此者因伊現充建設廳上等科員兼任水利職務以其身踞要津可以把持一切乃奉王爲此事中堅人曹乃以黨員資格四處奔走鑽營盡人世間運動取巧之能事掩飾彌縫無微不至冬汪工程師赴各垵履勘時王乃預將勘圖作好汪以情形不熟誤信此圖爲精確不易者并未按垵勘明不旬日間遽稱瀕湖千餘垵潰堤均已勘測完好卽據其圖以上聞而我省又以王爲能者推舉晉京向當道接洽於是聯合數十垵周圍包舉作一大幹堤之計劃成矣查其所擬原圖將白水浹瓦官河塞漚嘴楊羅洲分金河南金湖等河道一併包圍在內如果照此實行則不將此等數十百里河流盡行釘斷不止幸蒙益陽沅江常德漢壽

湘陰澧縣安鄉南縣華容臨湘十縣災民代表李楚書戴昂軒等洞悉此中黑幕將此等詭謀毒計一一揭破舉發無遺蒙中央政府明斷立將此項惡計劃取消民等感戴之忱入諸肺腑竊以白水浹河流以此案爲保障以後雖有神奸巨慝其聰明才力數十百倍於曹禮庭王恢先其人者亦莫敢誰何再提釘塞之議矣乃不料天壤間最離奇最古怪最荒唐之事竟有出人意外者沅江縣長李乃我省政府統轄之官也既歸省府統轄則當奉省府長官命令爲方針乃以省政府奉中央政府命令變更之成案由一縣政府推倒破壞而無餘前月二十日民等以堤工吃緊正在督工籌款千忙萬忙之際突聞縣政府一面頒佈告示一面飭令團防軍隊督率土夫佃戶彪手數千人將白水浹河口盡一晝兩夜之力一鼓釘

沅江白水浹案控訴呈文

六

塞下游塞澧嘴等處亦一律與工民等聞信之餘初不之信揣佃戶蔡文祥往看被放哨槍兵詢悉爲保安境人即用槍柄亂擊捆執拘留泣拜求饒始歸民等畏勢不敢過問以爲必上級官廳別有若何命令也奔赴沅江縣查案始悉該縣長非奉省政府之命令乃奉熙和裕福各境曹時雄唐桂榮等之命令也查雄榮等呈詞其開宗明義卽以遵照政府原定幹堤計劃爲前提夫幹堤計劃卽塞河計劃李縣長既爲此地長官彼白水浹一河每鬧到天昏地暗卒經毀闢保存省政府各案雖或爲赤匪所火沅江縣各案當尙如山積完全存在夫豈未曾一閱者卽或對於遠年檔卷未曾取閱而以省府奉中央政府取消幹堤原議之堂堂大命令夫豈毫未聞知者又縱或縣官神聖不以上令爲然欲取諸民意夫熙和上境

隨同署名者雖有七垸 小垸耳爲田僅一萬餘畝而反對之保安新月
南附北附人和民樂 各垸統計田額約十餘萬畝乃不召集各垸垸
董團總業民開一會 八會公開談判從長計議取決大多數施行而竟
徇少數人之請遂乃動衆興兵如臨大敵爲此冒昧荒唐之事然則民等
之謂奉曹時雄唐桂榮等命令卽謂爲奉懲惠曹唐出首之曹禮庭王恢
先二人命令夫豈過當者哉夫豈過當者哉再查其呈詞中總以此項河
道已經淤積如山有妨害水利情事不思此項河流朗然存在姑無論其
并無如山如阜之事也卽其中間有淤積處一疏卽通凡古來水利專家
成書具在自大禹以下祇有疏河鑿河導河之策并無所謂塞河政策者
且夫此項河道自曾繼輝疏濬後已大有成效可觀其近年稍遭淤滯者

沅江白水決案控訴呈文

七

一誤於曹禮庭從河道中間建一至堅至厚之石壩使河道成爲兩截二
誤於王恢先之父蓉秋上年在下游築一魚堤阻塞此水去路三誤於裕
福熙和等垸在上游作無數小壩以減殺水力是此河之稍呈變態者誤
於彼等之塞非誤於曾繼輝之一疏也至謂閘內之水可以資灌溉便消
洩利交通等語試問以數十萬畝垸田從堤閘中間留一口以進水等諸
一滴耳何能灌下游宣洩不通何能洩穀米百貨出入無航路以通之何
能運此等荒謬鬼詞具見於湖田志上年原案中已駁辯殆盡不必贅述
總之曹王等此等行爲其居心何在以免修數十里大堤可省堤費鉅萬
利一不費一毫之力可得自來田數萬畝利二以公家借來之款任其浮
報開支利三有此三大利故不惜鬼鬼崇崇千思百計以圖之彼李縣長

者非沅江一縣之官也哉既係一縣之官則凡託其宇下者皆係本縣人民自當一視同仁毫無歧異乃彼等之犯禁違法者則假官權以助之民等之遵禁守法者則用暴力以凌之顛倒糊塗一至於此或有謂昔賴承裕官南州廳時與該處湖痞劣紳表裏爲奸去官時擁有湖田千萬畝發大財而去本案曹王等可得數萬畝之利益此事不能無疑然民等不敢以莫須有之言誣讎父母長官致遭譴責但民等對該縣此等行爲究有百思千思萬萬思而莫能索解者近日因民等在該縣抗呈復奉到批示似有假公法團爲名以爲卸責地步者批稱本縣對於此案取得水利委員會同意不思該縣委員會卽十九年全縣代表會之變相查該會委員多於曹王等擬建之三十餘垵中佔有田業則其得意之同夫豈誑焉者

沅江白水決案控訴呈文

八

但民等伏讀近日報載中央國務委員會通過廢田還湖辦法凡屬河流尋常洪水經流之湖田沙田灘地一律作廢又讀湘鄂兩省水利會議案倣前清諮議局辦法一曰疏江二曰塞口三曰濬湖其濬湖之法則以借堤束水以水淘沙爲要則又讀全省救災會取締堤垸章程凡屬河流經過之處如釘塞兩頭攔河以成垸者概在禁修之列違者經附近各垸告發除勒令刨毀外處以相當之處分禁令煌煌報章屢見以外瀕湖各縣如長益岳常諸屬各委員議案其宗旨均與此同夫以全國全省各縣議案而沅江一縣獨取而翻之是必將全國全省各縣議案概行取消而後可也夫全國全省各縣議案其果可取消乎哉抑不可取消乎哉竊民等對於本案已嘵嘵竄辯不下數千言似乎過於煩且竄者然民等別有一

種下忱以萬不得已之心處萬無如何之勢作萬分哀激之鳴故更有煩上加煩竇上加竇不敢不再爲陳訴者伏查此項河道於前清光緒二十九三十四民國四等年已鬧出彼此鬪毆聚衆燒棚之彌天大禍民等鑒於前此事實處此次之變每欲棄業而逃而此間數十萬農民生於斯長於斯父母妻子聚集於斯際此大荒之年萬不能將此歷年汗血已經開墾成熟之田舍之而去若不幸再如民國二三年之大旱天久不雨各個戶勢必掘堤取水以救田禾彼等必以保堤防險爲名出而阻止與之相持則彼此牴牾彼此角鬪彼此仇殺勢不至演成流血大慘劇不止也民等爲是慄慄危懼故不恤披肝瀝胆剖心泣血痛哭流涕奔陳於我大主席台前伏乞迅予頒發一最嚴重之命令勒飭沅江縣長李將已經

沅江白水決案控訴呈文

九

築塞完竣之間堤飭彼等自行創毀以完固有河道弭大禍而救民生民等且率數十萬無告災黎馨香頂祝以求矣抑再有陳明者此項河道欲求根本解決惟有舉行大疏濬之一法從下游各節漸次興工將河中一切大障礙物所有各魚堤石壩攔河橫亘者一律鏟除於是節節施工節節濬治迂者直之塞者通之散者束之以有限之人工借無窮之水力水道歸洪愈衝愈大不轉瞬間將上通沅澧下達巴湘爲最宏深最律大最寶貴之河道也然此等計劃不仗我政府用大力以提倡之則必阻力橫生萬難實現伏懇援照宣統二年諮議局成案於河道適中處設一疏河局遴選一廉明公正富有經驗之幹員主持其事其疏河經費由公家貸款項下劃撥歸沿河對於水利有關係各垵按畝認貸完償果能如此

辦到乃千秋萬世計也可否

賞准照行之處伏乞

賞開政務會議採納施行再二十年三月祖道以本河全案湖田志紀載綦詳因省會各公署經赤匪焚燬之後恐檔卷不完已將此書分呈各上級官廳備案茲恐檢閱煩勞復呈一部其書如十三十四十五三卷暨續編二卷專載白水決案件第五第六二卷爲沅江墾務章程第二十一二十二卷爲疏濬洞庭大江案牘舉凡前清各督撫司道諭札批示命令與夫各前哲各議員奏疏議案公牘論說詩詞對於本案有特別重要關係者分別黏貼紅籤以資標識伏乞

俯賜察核合併聲明除呈 建設廳 水災委員會外謹呈

沅江白水決案控訴呈文

十

省政府主席何鈞鑒

具呈人沅江廖一區保安垵垵首李祖道 曾廣霖

南附垵垵首黎吉吾 蕭春達

新月垵垵首曾慶林 劉紹基

北附垵垵首趙啓銘 陳次樵

新附垵垵首曾詠亭 劉受益

民國二十一年三月 日 具

熙和裕福各垵代表曹時雄等上省政府暨各廳處會黨部快郵代

電文

各機關 各黨部 各公法團 各長官 各委員暨濱湖各縣父老昆

季賜鑒時雄等因修復沅江白水澱閘堤案頃上

省政府暨各廳處會黨部代電一宗其文曰

湖南省政府主席何建設廳長譚民政廳長曹國民政府水災救濟會災區工作組駐湘辦事處湖南水災善後委員會省黨部鈞鑒爲一人生祀衆垸受害電懇 察奪以杜朦蔽而全建設事民等各垸修復白水澱閘堤所有利害情形已於二月十日詳呈沅江縣政府蒙李縣長於十六日親往勘明提交水利委員分會第四次常會議決紀錄一恢復閘堤一建築石礮三轉呈建廳備案並出示保護准於二十一日興工修復令飭廖保一區團總主任張峙芬督修石礮各在卷竊此閘修復後於水道垸堤均一勞永逸裨益農田水利誠非淺鮮盡人皆知惟保安垸業民曾繼輝卽

沅江白水澱案控訴呈文

十二

月川因欲保存渠一人生祠獨見教唆李祖道及渠姪曾畏三等捏案不可背並聳何文鈞等以塞河阻水等語赴縣妄呈當沐李縣長批呈及粘件均悉白水澱不過一進水出水港耳寬不逾十丈長不及十里豈能與沅澧資湘相提並論來呈擬不如偷徒費筆墨該澱現以淤塞成洲妨碍裕福熙和等十餘垸水利若設閘堵塞湖潮可以隨時啓閉疏通內部容量增多旱則可利桔槔潦亦足資宣洩實有莫大利益本縣長履勘之後經提交沅江水利委員會議決修建石閘責成關係各垸舉辦至前案不許阻塞因與現在通塞之情形不同豈能膠柱鼓瑟固執成見所請制止一節應無庸議等示曉以利害懇切批斥殊曾以朦縣不行復以過去之

湖田局長名義捏事機危急等語朦電

鈞府廳處
會部
淆亂聽聞希圖抵抗昨

抄閱該電狀並奉縣府錄令轉飭召集會議繳呈合約以憑呈復核奪等因民等聞此不覺心爲之寒胆爲之裂滿腔熱血爲之一湧誓願千磨百折粉身碎骨而不辭一與該會月川爭生死也姑按該電該狀分條指駁於下

一該電稱此種重重鐵案有繼輝所輯湖田志可憑該狀稱七案之多等語不思民國元年各垵紳董李鴻耀等稟准譚前都督暨劉陳民財兩司長同派委員易榮膺曹邦漢易閣臣下縣會同傅前知事並工程局長言煥綸勘明定案於裕福附東兩垵之間修建開堤峙立四年之久據此則渠清末時特諮議局議員勢力藐視知事委員挾其運動縱橫手段六次私函朦蔽譚組公久懸未決之案旋經李鴻耀等告發推翻無遺尙何鐵

沅江白水浹案控訴呈文

十一

案與七案之可言最後毀開乃渠賄串劉光華等少數人私約而行並非有官廳創毀案可憑而然之也若該湖田志則純係保安垵無足輕重之畝冊與渠尋衅訟詞其中海市蜃樓一味臆造如此私人任其筆之所爲而爲之之類亦可名志云書作證攻人則普天之下將無物非證無紙非書矣

一該電稱有沅江大地主王恢先者充任測勘委員以所佔河畔淤洲面積甚廣倘一得釘頭可省堤費鉅萬並云汪工程師爲其所朦等語不思此白水浹長不過十里寬不逾十丈內中並無淤洲若王委於此浹兩岸垵內尙未管有田畝遑論河畔淤洲省費與否與王委何關况此乃恢復原有開堤非可與新築釘頭者比渠竟狂噬攻詰其荒謬絕倫可想見一

斑矣

一該電稱乃沅江縣長李不知受何項包圍運動徇一面之請求并未召集各垸公開談判等語不思民等各垸因修復此間除客春已遵方前縣長令飭與該保安垸當事人李昆南等會議於草尾團局數次外今年二月八日民等各垸復齊集裕福垸堤工局會議定約呈請李縣長會同沅江查放局周查放長紀萬親赴開堤處履勘之十六日又蒙召集民等十餘垸首事業民百餘人在裕福局開會錄有各首事演說詞存卷不獨沅北數十垸居民咸知可調卽周查放長亦可證明如此改良防害挽救農田水利之舉爲民牧者旣已勘明飢溺爲懷自有負責執行之責任堂皇官督民修處理合法猶曰運動猶曰徇請拋棄事實書面誣譏其橫行無忌極矣

沅江白水決案控訴呈文

三

一該電稱不顧全省定章不協萬衆輿情人心惶惶等語不思以白水決爲河指鹿爲馬僅渠曾月川一人此次修復開堤乃民等十餘垸萬衆一心羣策羣力以圖生存今渠謬扯全省定章擴大其詞眞令人冷笑如此已遭淤塞之淺決咸知有修復防害之必要李縣長毅然核准實俯順輿情之請安民善後之政與全省何關洞庭何碍沅江何妨不過該月菩薩神心惶惶如癩如狂恐其絕祀已也

一該狀稱此河上通沅澧下達岳臨汪洋浩瀚帆檣雲集等語不思此白水決旣以決名原非河道復非湖汊無疑乃各垸間上無來源下無出路最短最窄之溝路其決底原與垸田平等當有上口開堤堵淤之際尙有